

# **Baḷa na bini gba Polo pi Timoté**

© 2016 Wycliffe Bible Translators, Inc.

Licence - Creative Commons CC:BY-NC-ND

# Balua na bini

*gba Polo pi*

## Timoté

### Eli na kalanu

Timoté ne makombi bini inde adu nani makilisito bhú Adji Minele. 'Hi ani nani ne maYuda, 'dyi ani atsia adu nani ne Giliki. Ani akolo nani kpála nateteke Polo bhú dholo gba e nakpokpo Bádha Ngali gba Yesu Kilisito . Balua na bini gba Polo pi Timoté-o, ngakpokpo 'ngú pindji ongbengbe 'ngú bata.

Balua ango-o ngakpo ngaiza 'ngú pindji nalila lio ka omusuno na eu inde bhú Piga gba Ebhe-o. Nasuno ango-o a ko nakpetse mabhundja pindji omaYuda ne okpála inde ne omaYuda ade inde adu nani pindji napa me bádha 'ngú píla doto ade. A la di ngapa me, u ti da bha nasia mukobho ka imbila 'ngú inde awo lie mawo, a la di ne nakpe nazu oehe koko, di ne naha lio maka elu ne bhoko de.

### Ongbengbe ongú inde bhú bhuku inde-e ngae inde:

Eli na kalanu 1:1-2

Líli pindji Piga gba Ebhe ne okpála inde ngadjedjele-o 1:3 – 3:16

Líli pi Timoté pindji kulu gba e-o 4:1 – 6:21

# 1

### Polo yi Timoté mayi

1-2

**kakulu ndili gba ma bhú 'bu nabhuka-a , a ayo me bádha bhú 'bu ne ndjinga di ne guo 'ngú gba 'Dyi ní Ebhe ne Yesu Kilisito , Ngámá gba ní-e du bhú dabili**

bini ne m̄. Ma aye balua inde-e pi m̄ ngama Polo. Ma ne bhul̄ titima gba Yesu Kilisito maka li Ebhe, M̄kobho gba ní, ngauo ne Yesu Kilisito inde ní nga'o 'to ní 'to e aha líli m̄ma lie ngú nakpokpo Bádha Ngali ko.

### **Polo apa me a ayo nayoko om̄suno na eu-o mayoko**

<sup>3</sup> Maka ma aha nako líli pi m̄ lie li nedhinga ma ad̄ an̄ lie bhú ndu doto na Makedonia-a, d̄ bha bhú ḡdh̄ na Efeso oo, amba m̄ pa pi om̄suno na eu inde oo me, u 'o nasuno bhom̄-o ma'o. <sup>4</sup> Pa pi uo me, u 'o nakpokpo ongú na padhá padhá inde li okpála ngagbe e bhú 'ndji o ma'o. U 'o di nakpokpo ndjandja okpokpod̄m̄ ma'o. Padhá de, anga ongú bhom̄-o ngagbe okpekebhe na padhá padhá inde i dyudyo kulu inde li Ebhe ngamene e bhú m̄kobho gba okpála de. Kulu ang-o ngadyudyo lie ne kalan̄ ka nabhuka.

<sup>5</sup> Olíli ma aha e pi m̄ bhom̄-o, a nḡbula me okpála d̄ ne m̄k̄nda s̄nda o. M̄k̄nda ang-o ngayie li bádha bua, li bua nakpokpo kú 'ngú ndjindji, la di ne bhú nabhuka na k̄k̄l̄. <sup>6</sup> Okpála koko ayie li ngbili kpadji bhom̄-o ayie, u atsia azi 'ndji o bhú namene okpekebhe na padhá padhá. <sup>7</sup> U ngapa me o ne om̄suno na líli gba Ebhe, engú bini, ngauo makpe-e, u k̄ mboli engú inde u ngasuno e pi okpála koko ne angu o hana-a beleḡ de bini.

### **Ebhe aha líli gba e pi ní nḡbula ní?**

<sup>8</sup> Ní mbila hana me líli gba Ebhe-e ndjindji, i d̄ me u nde ngakpakpata maka a ayo lie ko. <sup>9</sup> Ní mbila la di hana me, Ebhe 'o líli pi okpála bhende ngadh̄k̄ ngbingbili-e de. Engú bini, ani a'o pi obhende ngau líli gba ani-e padhá di ne pi okpála na kpekpeke 'ndji. Ani a'o pi okpála bhende ngandjo 'li ani, di ne pi obhende ngamene siti 'ngú-o. Ani a'o pi okpála inde i manga ani de, i manga la di ohe na bububu gba ani-e de-o. Ani a'o pi okpála bhende ngabhili odyi o, i d̄ di-e ohi o-o. Ani a'o pi okpála bhende ngabhili obi o bhú gandji.

<sup>10</sup> Ani a'o pi obhosi bhende ngak̄nda olisi di ne pi olisi bhende ngak̄nda obhosi ngangá-o. Ani a'o pi obhosi bhende ngak̄nda lio ne obi o obhosi, i d̄ di-e olisi bhende ngak̄nda lio ne obi o olisi. Ani a'o pi okpála bhende ngatsindji obalise. Ani a'o pi obhul̄ eu di ne pi okpála bhende ngat̄ silika pí eu. Ani a'o pi nd̄

okpála hana inde ngamene engú kpi ne bhende na kúkùlù ní ngasuno e ko.

<sup>11</sup> Nasuno ango-o bhú Bádha Ngali inde li Ebhe aha e m̄ma-o. Bádha Ngali ango-o ngasuno sangu gba Ebhe inde ngaha bádha 'ngú pi okpála-o.

### **Polo agie heni pi Ebhe**

<sup>12</sup> Ma ngagie heni pi Yesu Kilisito, Ngámá gba ní inde aha angu m̄ma ngú namene kulu gba e-o. Ma ngagie heni pi ani, anga ani au me ma ti da namemene. Abhom̄-o, ani atsia abh̄ ma ngánga. <sup>13</sup> La nani kalan̄-o, ma ad̄ apa osisiti 'ngú li ani, ma ad̄ ato mbolo li okpála koko ka u abhuka ani lie-o, ma ad̄ la di asosobho ani. Abana ma ad̄ amene lie mo-o, ani adje ndjinga ma. Padhá de, anga ma bhuka nga nani ani de. Ma mbila la di nani de me Yesu ne Masiya-a de.

<sup>14</sup> Engú bini, Ngámá gba ní-e atsia asuno bádha bhú 'bu gba e m̄ma ane mane. Ani aha nabhuka m̄ma, di ne m̄k̄nda inde bhú nakp̄t̄s̄e liní ne Yesu Kilisito-o.

<sup>15</sup> Engú inde ma adji apa e inde-e, a ko kúkùlù 'ngú inde a ayo me nd̄ okpála hana bhuka e ne bua o bini. Engú ango-o me, Yesu Kilisito ago nani p̄la doto ngú nakobho okpála na sisiti. Yi mbila la me ngámá ngámá bhú ká uo ne ma.

<sup>16</sup> Abana ma ad̄ lie ne ngámá ngámá bhú ká uo ngama-a, Ebhe adje ndjinga ma. Ebhe amene m̄ma mo-o nḡbula me nd̄ okpála hana inde abhúka Yesu Kilisito-o, u u lele 'ndjá bua gba ni-o, amba u bhuka-a, u de sia m̄kobho na d̄d̄ma. <sup>17</sup> A ayo me nd̄ okpála hana dh̄ge Ebhe, amba u toko ani d̄d̄ma ne d̄d̄ma. A ad̄ moko. A ko 'Ngbé Ngámá na d̄d̄ma, i kpikpi de, li kpála uu di-e de. A ko bha koli Ebhe bha ngae kpi e kpi!

<sup>18</sup> Timoté, ndika ma, ma ngaha olíli bhom̄-o pi m̄ nakpata oeli inde li opolofeta akpokpo nani e li 'ngú gba m̄-o. A ayo me oeli ango-o teteke m̄ nḡbula nakpokpo Bádha Ngali-e ne angu, abana li okpála d̄ nayaya m̄. <sup>19</sup> A ayo me m̄ ḡ egú ango-o ne nabhuka bhú d̄bili bini ne bua nakpokpo kú 'ngú ndjindji. Okpála koko a'o ká bua nakpokpo kú 'ngú gba o a'o. Kaka-a, u ayie li kpadji na nabhuka ayie. <sup>20</sup> Imene ne uo ne Alekidjandele bhú ká ongua okpála bhom̄. Ma atsia ap̄ uo pi Satana ,<sup>a</sup> amba u mbila lio ne napa me a ayo nasobho

---

<sup>a</sup>1:20 *Nap̄ kpála pi Satana*: Ti da napa li bili inde-e me nagbe kpála bhú Piga

Ebhe de.

## 2

### A ayo nayo Ebhe ngubula ndu okpala hana

<sup>1</sup> Kala ndu 'ngú hana-a, ma ngayo ka yi me yi 'o gumu gba ndu okpala hana kala Ebhe, yi yo Ebhe pi uo, yi kikiliki liyi pi ani ngubula uo, amba yi gie la di heni pi ani ngubula ndu uo hana. <sup>2</sup> Yi yo Ebhe pi ongbengbe ongamási, di ne pi ndu ongamási hana ngubula me kpéke 'ngú adú-u de, amba ní du bhú guo 'ngú , ní du namanga Ebhe ne nagbite liní li ani na paká paká. <sup>3</sup> A bhomu-o engú inde ndjindji, inde la di nganga li Ebhe, Mukobho gba ní-o.

<sup>4</sup> Ani akunda me ndu okpala hana kobho, amba u mbila la di kakulu 'ngú.

<sup>5</sup> Padhá de, anga koli Ebhe bha bini, a la bhadi ne koli kpala bini inde ludu sunda Ebhe ne okpala-kuti. Kpala anga-o, a ko Yesu Kilisito , <sup>6</sup> inde apu mukobho gba e ngubula nagbegbe ndu okpala hana bhú bali-o. Ani amene mo-o bhú nedhinga nani li Ebhe a'o e ngú nasuno me Ebhe akunda me ndu okpala hana kobho.

<sup>7</sup> Ka 'ngú anga-o, Ebhe abhu ma bhulu titima gba Yesu di ne bhulu nakpokpo Bádha Ngali . Ani abhu ma me ma suno nabhuka di ne kakulu 'ngú pi okpala inde ne omaYuda ade-o, amba u bhuka. Ma ngapa kakulu 'ngú, ma pa eu de.

<sup>8</sup> Kaka-a, ma akunda me obhosi yo Ebhe ne ndu bili hana. U yo Ebhe me u nde a'e'e 'kpa o ne abhúla ne naha lio libhomu pi Ebhe. U adú ne engú sunda o de, u adú la di ne kpekebhe de.

<sup>9</sup> Pi olisi-e, ma akunda me u du adyi bongo maka a ayo lie. U adú adyi bongo bhe a'é bua kpala bhú da e ma'e-e de. U du adyi bongo li lelele. U adú apulu sundjo o nane dada mane de. U adú adyi omayaka ne omagege na olo di ne ohe na zizi de. U adú di nadyi obongo na mase naali de. <sup>10</sup> Engú bini, u suno mangbo bádha gba o bhú obabadha kulu inde u ngamene e-o. A bhomu-o engú inde ati ne olisi inde ngasuno me o ngamanga Ebhe-o.

---

gba Ebhe.

<sup>11</sup> Nedhinga li bhoko ngaha olíli lie bhú Piga gba Ebhe-e, a ayo me    ndjili má bulu, ani k  lie ne kuto. <sup>12</sup> Ma ha kpadji pi    ng  nasuno di ne na  pi 'ndji bhoko de. Eng  bini, a ayo me ani ndjili má bulu! <sup>13</sup> Padh  de, anga Ebhe abho ngaiza nani kalan -o Adam  , pipita-a ani atsia abho Eva. <sup>14</sup> La di-e, Satana pite nani Adam  de, eng  bini, ani apite mangbo nani   - . Abhom -o,   -o atsia andjo 'li Ebhe. <sup>15</sup> Abana i nde lie mo-o, Ebhe ak bho    ka ezu gba e-o. Ebhe ak bho ani i d  me ani nde al  kpekpeke bh  'bu nabhuka, ne m kanda, ne na'o lie bubu kala Ebhe, di ne na'o lie bh  da e.

### 3

#### L li pi okp la natsia 'kp  li Piga gba Ebhe

<sup>1</sup> Eng  ma adji apa e inde-e, a ko k k li 'ng : i d  me kp la nde ak nda natsia 'kp  li Piga gba Ebhe-e, ani ak nda namene bhom -o b dha kulu. <sup>2</sup> Kaka-a, a ayo de me u u kp la inde ngatsia 'kp  li Piga gba Ebhe-e ne siti 'ng -o de. A ayo me ani d  ne koli    bini. Ani d  naholo bua e ka 'ng  maholo. A ayo me ani d  namene 'ng  li lelele, ani d  la di namene babadha 'ng . Ani d  nasia ogomago ndjindji, ani mbila la di nasuno 'ng  pi okp la. <sup>3</sup> Ani ah  lie pi pandi de, ad  la di kp la nag  gbele de. Eng  bini, a ayo me ad  kp la na bh k  'ng . Ad  kp la nagbe bhayiki ne okp la koko de, ad  la di kp la na g m  tia naali de.

<sup>4</sup> A ayo me ad  kp la inde ngatsia 'kp  li piga gba e makpe-e ndjindji, inde li ongisi gba e ngamanga e ne nd  kpadji hana. <sup>5</sup> Padh  de, anga i d  me kp la nde mbila natsia 'kp  li piga gba e makpe ndjindji de-e, ani ti da nalila Piga gba Ebhe-e lele pi? <sup>6</sup> A ayo de me kp la natsia 'kp  li Piga gba Ebhe-e d  kp la inde adji bua e na mbia de. Padh  de, anga i d  me a nde kp la inde adji bua e na mbia-a, 'ngb  'ndji ti da nali bh  ani, ani tsia l  bh  mangimbo maka Djab li ali nani lie-o. <sup>7</sup> La mat  di-e, a ayo me ad  kp la inde li okp la bhe i bhuka de-e ngakpo 'ng  gba e ndjindji, ka napa me okp la a  ani bh  djila o padh  de-o, la di ng bula me ani at  bh  oek  gba Djab li-o de.

#### L li pi okp la nateteke kulu bh  Piga gba Ebhe

<sup>8</sup> A bhadi moko, a ayo me okpála nateteke kulu bhú Piga gba Ebhe-e d̄ okpála inde ngamene 'ngú inde li okpála ti da namanga o ka e. U adú la di ne eli bhisi bhisi de, u ahá lio pi pandi de, u adú di nagili tia li siti kpadji de. <sup>9</sup> A ayo me u gbite lio ne bua bini li k̄k̄l̄ 'ngú inde li Ebhe ambamba ta e-o. U gbite lio tété ne bua nakpokpo kú 'ngú inde ndjindji.

<sup>10</sup> Kala me u bh̄ uo me u kolo okpála nateteke kulu bhú Piga gba Ebhe-e, a ayo ngaiza me okpála tsia uo ndjindji, pipita-a, i d̄ me u nde u uo ne engú na sisiti de-e, u de bh̄ uo ngú namene kulu ango-o. <sup>11</sup> A ayo me, olisi gba uo-o d̄ bhadi namene engú inde li okpála ti da namanga uo ka e. U adú napa sisiti 'ngú li okpála koko de. U d̄ naholo bua o ka 'ngú maholo. U d̄ okpála inde li okpála koko ngaziba o bhú nd̄ 'ngú hana. <sup>12</sup> A ayo me, kpála nateteke kulu bhú Piga gba Ebhe-e d̄ bha ne koli ēl̄ bini. Ad̄ kpála inde ngatsia 'kpí li ongisi gba e di ne piga gba e makpe-e ndjindji. <sup>13</sup> Padhá de, anga okpála inde ngamene kulu nateteke kulu bhú Piga gba Ebhe-e ndjindji-e, nd̄ okpála hana ngamanga uo mamanga, u gáma la di engú p̄ndji nabhuka gba o inde bhú Yesu Kilisito-o ne tsul̄ beleḡ de bini.

### **Engú na ngbéngbé inde li Ebhe asuno e**

<sup>14</sup> Ma ngaye bal̄a inde-e pi m̄ ne nabhundja me ma akólo li m̄ oo má gala!  
<sup>15</sup> La-a, i d̄ me ma nde kolo li m̄ oo má gala de-e, bal̄a inde-e de suno pi m̄ lele maka a ayo lie me okpála dh̄k̄ bhú piga gba Ebhe-o. Piga ango-o, a ko Piga gba Ebhe inde m̄-o. Dadjua ango-o ngabi k̄k̄l̄ eli-e maka nepanda abibi eti lie-o. <sup>16</sup> A na paká me, engú inde li Ebhe ambamba ta e pi ní p̄ndji nabhuka gba ní-e ngbéngbé. Engú ango-o me:

Kilisito ago p̄la doto bhú k̄te maka kpála-k̄ti,

Bu Bhobua asuno me, ani ngbingbili,  
oandjelu atsia au ani.

U akpokpo engú gba ani-e pi okpála inde  
ne omaYuda ade,

okpála na p̄la doto libhomu abhuka ani,

Ebhe atsia a'e ani abhúlá bhú sangu gba e-o.

## 4

### Omusunu na eu

<sup>1</sup> Bu Bhobua apa mbámhá me bhú onedhinga na soso-o, okpála koko a'ó ká nabhuka gba o, u tsia kpáta osisiti bua na eu, u kpáta di ongú inde li osisiti bua ngato e bhú okpála me u suno e-o. <sup>2</sup> Obhúlú kali inde ngapa eu-o apíte uo me u yie li ngbili kpadji-e mayie. Bua nakpokpo kú 'ngú gba obhúlú kali ango-o asiti mágito me u atsulu ne kalase inde u ato e bhú djua. <sup>3</sup> Okpála ango-o ngasuno me a ayo de me obhosi ne olisi dū naha lio-o de. U di ngapa me a ayo de me okpála dū nazú ozú koko de. Ebhe abho la nani ozú bhomú-o ngae. Omabhuka inde ambila kúkúlú 'ngú-o ti da nazúzú ne nagie heni pí ani. <sup>4</sup> Padhá de, anga ndú 'he hana inde li Ebhe abho e ndjindji. A ayo de me ní tse ehe bini bhú káká-a de. Engú bini, a ayo nahaha ne nagie heni pí Ebhe, <sup>5</sup> anga eli gba ani bhú dabilí bini ne mayo ngamene me ndú 'he hana kolo bubu kala ani.

### Bádha kpála na kulu gba Yesu Kilisito

<sup>6</sup> Suno ongú bhomú-o pí ondaise ní omabhuka. Li mū mene mo-o, mū dū bádha kpála na kulu gba Yesu Kilisito . Mū tsia súnó di me mū ngakú bua mū ne oeli na nabhuka, di ne nasuno na kúkúlú mo okpata e ko. <sup>7</sup> Engú bini, gbe limú li otodú na padhá padhá inde i ti ne nabhuka de-e magbe. Mene mangbo ne kpéke me mū gbite limú li namene engú inde anga li Ebhe. <sup>8</sup> vNamene ngeme ngú nakpekpeke kúte-e, a ndjindji ngú ongú masudha. Engú bini, a ndjindji nane mane pí kpála ne nadhákú maka li Ebhe akúnda lie-o. Padhá de, anga namene mo-o, kpála ango-o ambila me ní asia inde-e múkobho na mbia, múkobho ango-o adú dūduma ne dūduma. <sup>9</sup> Eli inde ma apa e bhomú-o, a ko kúkúlú 'ngú inde ayo me ndú okpála hana ziba e ne bua bini. <sup>10</sup> Kaka-a, i dū me ní nde ngamene kulu kpekpeke di ne angu ní hana-a, a ko anga ní nga'o 'to ní li Ebhe inde ú-o. A ko Múkobho gba ndú okpála hana, a ane la mane pí okpála bhende abhuka ani-o.

<sup>11</sup> A bhomú-o ongú inde a ayo me mū gbele 'dje okpála lie, amba mū suno di-e



pi uo-o. <sup>12</sup> Mo oká kpadji pi kpála bini de me ani u m̄ padhá ka m̄ nde lie ne makombi-e de. Engú bini, d̄ mangbo ne kpála inde ngasuno kpadji pi omabhuka. D̄ nasuno kpadji pi uo bhú eli inde m̄ ngapa e, ne bhú lele namene 'ngú gba m̄, ne bhú m̄k̄nda gba m̄, ne bhú nabhuka, di ne bhú nad̄ ka m̄ bubu kala Ebhe.

<sup>13</sup> Nedhinga m̄ ngadjeke nago ka ma lie-e, ha lim̄ ngú natanga 'li Ebhe-e kala nd̄ okpála hana. To masi bhú uo, amba m̄ suno ta eli gba Ebhe-e pi uo. <sup>14</sup> Mo oú kulu li Ebhe aha e pi m̄-o bhú bádha bhú 'bu gba e-e padhá de, kulu inde mo osia e nedhinga li opolofeta akpokpo 'ngú gba m̄-o lie, la di ne li nedhinga li obhelesi okpála a'o 'kpa o pí 'ndji m̄ lie-o. <sup>15</sup> A bhom̄-o kulu inde a ayo me m̄ 'o bua m̄ li e ko. Ha lim̄ ngú namemene ne bua m̄ hana, amba nd̄ okpála hana u me m̄ ngan̄ li kpadji gba Ebhe-e ne kalan̄. <sup>16</sup> Lila lim̄ ngam̄ makpe ndjindji bhú ongú inde m̄ ngamene e di ne bhende m̄ ngasuno e pi okpála koko-o. N̄ ne di ne kalan̄, anga i d̄ me m̄ nde amene mo-o, m̄ kóbho lim̄ ngam̄ makpe, m̄ tsia kóbho di okpála bhende ngadje m̄-o.

## 5

### Líli pi nd̄ omabhuka hana

<sup>1</sup> I d̄ me m̄ nde ngali bhele kpála li 'ngú-o, mo ombémbe bhú 'ndji ani mambembe de, engú bini, gama 'ngú pi ani bh̄bh̄k̄ m̄gito me a ko 'dyi m̄. Gama 'ngú pi omakombise maka ondaise m̄ na obhosibhosi. <sup>2</sup> Pi olisi na obhelesibhelesi-e, gama 'ngú pi uo m̄gito me a ko ohi m̄. Pi otsalisi-e, gama 'ngú pi uo maka ondaise m̄ na olisilisi me bua m̄ nde tuko li uo de.

### Engú pindji oekesi na olisilisi

<sup>3</sup> Teteke oekesi na olisilisi bhende li kpála nde ngú nateteke o ade-e mateteke. <sup>4</sup> Engú bini, i d̄ me a nde ka ek̄ na eel̄ bini ne ongisi, i d̄ di-e odi ye e, ngú nasuno me ongisi ang-o ngamene engú inde li Ebhe ak̄nda e, a ayo me u teteke ngaiza opiga gba o makpe. U mene mo-o, u gíe bádha 'ngú pi okpála inde azu o, di ne pi onguo ogbi o bhú da bhende u amene nani e pi uo-o. Abhom̄-o engú inde li Ebhe aziba e ko. <sup>5</sup> Ek̄ inde ngad̄ bha ndj̄ kpi e kpi, li kpála bini nde ka

e ngú nateteke e ade-e, ani nga'o 'to e 'to Ebhe. Ani ngazi kekele li nayo Ebhe sukpe ne ngbikpi ngubula me Ebhe teteke ni. <sup>6</sup> La-a, pi oko bhende akunda bha naae odjali na doto-o, ani akpi li bua e akpi, abana ani nde lie ~~uu~~-o. <sup>7</sup> A bhomu-o engú inde a ayo me mu pa e pi uo ngubula me kpála bini apá 'ngú li uo sisiti de-o. <sup>8</sup> I du me kpála nde teteke omaha e de-e, a ane la mane piga gba e makpe-e, ani abala 'kpa li nabhuka gba e abala, ani ane belegu mupagano ne siti.

<sup>9</sup> La di-e, ngú napa me u ye 'li oko bini bhú ká obhende li Piga gba Ebhe-e ngabi o-o, a ayo me ani du mbo ne kalanga ndjikpa madhia. Adu la bhadi ole inde i kunda bhoko sa 'ku 'ko e de.<sup>b</sup> <sup>10</sup> A ayo la di me okpála mbila ani ka obabadha kulu inde ani amene e-o. A akunda napa me, ani aku ongisi gba e ndjindji, ani asia ogomago, ani avulu 'dhu omabhuka,<sup>d</sup> ani ateteke okpála inde adu bhú mbolo. Adu la di kpála inde amene ndu babadha kulu hana.

<sup>11</sup> Engú bini, pi okosi bhende na otsalisi tsalisi-e, mo oyé 'li uo bhú ká obhende li Piga gba Ebhe-e ngabi o-o de. Padhá de, anga nedhinga li gumu naha bhoko koko alí bhú uo lie, i méne me u dji 'ngbu o li Kilisito. <sup>12</sup> Li u mene mo-o, u lí bhú mangimbo. Padhá de, anga u apa nani me o oha lio pi Kilisito, la mbia bhomu-o, u mene maka u apa lie de. <sup>13</sup> La di-e, mu ye 'li uo-o, u kólo obhulu ipio, u holo nadjakadha gba okpála ngangá. U kólo bha bini obhulu ipio de, engú bini, u holo nagama 'ngú naali, u holo nali bhú ongú bhe i tsia o de, u tsia dú di nagama 'ngú gbelongo. <sup>14</sup> Kaka-a, ma akunda me, okosi bhende na otsalisi tsalisi-e ha matá obhosi, u zu ongisi, u tsia 'kpi li opiga gba o-o, amba u aká kpadji pi obhulu yala gba ní-e napa 'ngú li ní sisiti de. <sup>15</sup> Ma pa mo-o padhá de, a ko anga okosi koko ayie li ngbili kpadji-e ayie, u atsia agbida nganda Satana. <sup>16</sup> I du me mabhuka bini na oelo nde ne okosi na olisilisi bhú piga gba e-e, a

---

<sup>b</sup>5:9 *Ole inde i kunda bhoko sa 'ku 'ko e de:* A akunda napa me nedhinga li 'ko ani adu lie tété-e, ani kunda bhoko koko de.

<sup>d</sup>5:10 *Ani avulu 'dhu omabhuka:* Nani agba omaYuda-a, kulu nagbe maleko bhú 'dhu ogomago ne navulu 'dhu uo-o, a ko nani kulu ka obalise di ne okpála na padhá. A di ngú nasuno mukunda ne nako lio ne kuto. Tsia bhú Dja. 13:1-17.

ayo me ani teteke uo. Ani a'ó de me Piga gba Ebhe-e bi uo ngae de, amba Piga gba Ebhe-e bi obhende li okpála nde ka o ngɔbula nateteke o ade ko.

### Engú pɔndji obhelesi okpála na Piga gba Ebhe

<sup>17</sup> Obhelesi okpála inde ngatsia 'kpí li Piga gba Ebhe ndjɔndji-e, a ayo me u manga uo, amba u tsia ha di makalá na kulu gba uo-o pí uo li lelele. A ane la mane pí obhende ngatse kɔte o ngú nakpokpo di ne nasuno 'li Ebhe-o. <sup>18</sup> Padhá de, anga Bhuku gba Ebhe-e ngapa me: «Nedhinga li bagala ngatɔ ngano lie, mo ogbíte 'bhø ani de.» A apa matá di me: «Kpála na kulu atí ne makalá na kulu gba e-o.†»

<sup>19</sup> I dɔ me, kpála bini nde apa 'ngú li bhele kpála na Piga gba Ebhe-e sisiti-e, mo obhúka de. Zíba bha bini me okpála bhisi nde alɔ pí engú angoo, i dɔ okpála bhisi de-e, a de dɔ okpála bata. <sup>20</sup> Mbe bhú 'ndji obhelesi okpála inde ngamene siti 'ngú-o bhú djila ndɔ okpála hana, amba okoko dje tsɔlɔ.

<sup>21</sup> Ma ngaha líli pí mɔ kala Ebhe, ne kala Yesu Kilisito, di ne kala oandjelu gba Ebhe inde ani abhɔ o me, mene olíli inde-e hana bhú ngbili 'ngú, mɔ nde kɔnda kpála bini ane okoko mane de. <sup>22</sup> Mo o'ó 'kpa mɔ pí 'ndji kpála má gala de ngú naha kulu pí ani bhú Piga gba Ebhe-o. Mɔ 'o 'kpa mɔ pí 'ndji ani má gala-a, li okpála u sidi me ani bhú siti 'ngú-o, akɔnda napa bhomɔ-o me yi akpɔtsø líyi ne ani bhú siti 'ngú gba e-o. Lila limɔ me ni dɔ bubu kala Ebhe.

<sup>23</sup> Mo odú bha bini nandji engu de, engú bini, ndji mbo di vino bedi uu ka kuo na bhú 'bu inde ngaha bhukɔ kɔte pí mɔ piko-o.

<sup>24</sup> Okpála koko ngamene siti 'ngú bhú mbasɔ, li okpála mbíla kala nakpata 'ngú tété. Pí okoko-o, a ayo ngaiza nakpata 'ngú tété kalanɔ ngú nambimbíla. <sup>25</sup> A bhadi moko pí obabadha kulu, a ngau lie li zí 'kpí, belegɔ obhende u u e gbɔlɔ de-e, a tí da nadɔ ndɔ 'kpí hana de me a nde awo lie mawo-o de.

## 6

---

†5:18 Tsia bhú Det. 25:4, ne bhú 1 Kol. 9:9, ne bhú Mat. 10:10, di ne bhú Luk. 10:7.

## Líli pí obalise

<sup>1</sup> A ayo me omabhuka inde bhú bali-e manga omakulasi o ne ndu kpadji hana. U manga uo, amba kpála bini asóbho 'li Ebhe de, amba u asóbho la di nasuno gba ní-e de. <sup>2</sup> I du me, omakulasi uo nde ne omabhuka-a, u apá de me o mánga uo de-e de, anga a ko ondaise o-o de. Engú bini, a ayo me, u mene kulu pí omakulasi o ndjindji naali, anga okpála inde u ngamene kulu pí o bhomu-o, a ko omabhuka, a ko la di ondaise uo na mukunda. A bhomu-o líli inde ayo me mu suno e pí okpála ne nato masi bhú uo me u mene e ko.

## Engú pindji gumu tia

<sup>3</sup> I du me kpála bini nde ngasuno engú koko kpi, ani dhika li okukulu oeli gba Ngámá gba ní Yesu Kilisito di ne ongú inde ní ngasuno e pindji namanga Ebhe de-e, <sup>4</sup> a ko kpála na 'ngbé 'ndji, ani mbila la di 'ngú belegu de bini. Ani ambila lie bha bini ne namene kpekebhe di ne natsi pindji oeli. Ongú bhomu-o ngagbe gumu 'he, ne natsi, ne nasobho lio, ne nabhundja siti 'ngú pindji obi o, <sup>5</sup> di ne bhayiki inde i ndjindjia de-e sunda okpála inde li 'ndji o asiti-o. Okpála ango-o mbila la di matá kuku 'ngú belegu de bini. U ngabhundja me nabhuka Ebhe-e, a ko kpadji nasia tia.

<sup>6</sup> A moko, nabhuka Ebhe-e, a ko tia na ngbéngbé, i du me kpála nde ngakpi djali li ehe inde ka e-o. <sup>7</sup> Padhá de, anga ní go nani píla doto inde-e ne ehe bini de, ní gíe la di liní ne 'he bini na doto inde-e de. <sup>8</sup> Kaka-a, i du me a nde ka ní ne ehe nazu mazu di ne bongo ngú nadyidyí-e, amba bhobhomu-o ale pí ní ale. <sup>9</sup> Engú bini, okpála bhende ngakunda nakpo-o, u ngali bhú nale ne bhú ogumu 'he bhelé na padhá padhá di na sisiti inde li okpála ngasiti ka e, inde li okpála nde di ngamu ka e-o. <sup>10</sup> Padhá de, anga gumu tia ngazu ndu ongú na sisiti hana. Okpála koko ka nakunda tia naali-e, u ayie li kpadji na nabhuka ayie, u atsia ali bhú likabhu naali ka o makpe.

## Bádha gbele ní nde bhú e kabula nabhuka gba ní-o

<sup>11</sup> Engú bini, ngamu kpála gba Ebhe-e, kpe ndu sisiti 'ngú bhomu-o hana makpe.

Gbite limu li ngbili 'ngú , ha limu pi Ebhe, da ne nabhuka, ne mukunda, ne 'ndjá bua, di ne bhuku 'ngú. <sup>12</sup> Gu bádha gbele inde ní nde bhú e ka nabhuka gba ní-o. Lila mukobho na duduama ndjindji, anga Ebhe a'i nani mu ngu mukobho ango-o, mo otsia apa ne djali kala okpála bhelé me ni abhuka. <sup>13</sup> Ma ngaha líli pi mu kala Ebhe inde ngaha mukobho pi ndu 'he hana, di ne kala Yesu Kilisito inde akpokpo nani kuku 'ngú pindji nabhuka kala Pose Pilato ndjindji-e me, <sup>14</sup> lila líli inde ma aha e pi mu-o ndjindji, mene ndundu hana maka ma apa pi mu lie. Mene me kpála bini agú líli ango-o de, akólo li ekpi li Ngámá gba ní Yesu Kilisito agie lie lie-o.

<sup>15</sup> Ekpi ango-o, Ebhe a'o ngae. A ko Ebhe inde ngaha bádha 'ngú pi okpála, a ko koli Ngámá bini inde ngau pi 'ndji ndu 'he hana. A ko 'ngbé Ngámá pi 'ndji ongbengbe ongámási, a ko la di Ngámá gba ongámási. <sup>16</sup> Ani kpikpi de, ani ngadu bhú zi 'kpi inde li kpála bini ti da nakolo li e de. Kpála bini u nga ani de, kpála bini ti la di da nau ani de. A ayo me okpála dhege ani! A ayo me ani u duduama ne duduama! A adu moko.

### **Líli pi obhulu tia**

<sup>17</sup> Pa pi obhulu tia na doto inde-e me, 'ndji uo abé kaka de, u a'ó la di 'to o 'to tia na doto inde-e de, anga tia ango-o ngakodho 'kpi makodho. Engú bini, u 'o mangbo 'to o 'to Ebhe inde ngaha ndu 'he hana pi ní bhibhiti, ngubula me ní kpi djali ne di ko. <sup>18</sup> Pa pi uo me, u mene bádha 'ngú, u da mangbo obhulu tia bhú namene obabadha 'ngú. U da okpála napu 'he pi obi o ne bádha bua, u da bedhe ngu naha 'he pi okpála koko. <sup>19</sup> U mene mo-o, u pó bhúla ohe na babadha inde di ngabhue mabhue pi o ngu okpi inde ngago-o. Abhomu-o, u tsia ti da nasia kuku mukobho.

<sup>20</sup> Timoté, lila kulu inde li Ebhe aha e pi mu-o ndjindji. Kpe agelø na padhá padhá inde i ti ne nabhuka de-e makpe. Kpe di obhayiki li okpála koko nga'i e ne eu me a ko imbilangu-o makpe. <sup>21</sup> Okpála koko abhundja me o ne ngua imbilangu ango-o, u atsia ayie li kpadji na nabhuka-o.

A ayo me, bádha bhú 'bu gba Ebhe-e da ne yi bhú dabili bini.